

Tout cela avec quelques Baptesmes que le Pere a fait au milieu des bois, affaifonné de la pieté des bons Neophytes dõt ie viens de parler, a donné du contentement à vn homme amateur des souffrances, mais la fumée a esté sa plus grande Croix, ce demy Element ou ce mixte imparfait qui retient l'ardeur du feu, la malignité d'vn air empesté desseicha si bien les yeux de ce pauvre Pere qu'il en deuint [59] aueugle, au commencement il ne voyoit qu'une confusion d'objets, sans rien distinguer en particulier, si bien que voulant fortir hors de la Cabane il passoit quelques-fois au trauers du feu placé au beau milieu de ces tanieres: d'autre-fois il tresbuchoit aux pieds de quelques-vns, apprestant à rire à ceux-là mesme qui luy portoient compassion. Enfin il perdit entiere-ment la veüe, en forte qu'il ne se pouuoit plus conduire. Les Sauvages surpris de cét accident voyant qu'outre la perte de ses yeux, il souffroit vne si estrange douleur qu'il en perdoit les forces, consulterent entre-eux s'ils ne l'envelopperoient point comme vn paquet, pour l'attacher sur leurs traînées & le tirer comme le reste de leur bagage: Le Pere les entendant se mit à rire & les affeura que s'ils luy vouloient donner vn guide qu'il auoit encor assez de vigueur pour les suiure, ils luy donnent vn enfant auquel le pauvre Pere obeissoit comme vn escolier à son precepteur. Ce n'est pas tout, ils firent vne assemblée sur sa maladie, dont le resultat fut que s'il se vouloit affuiettir à leurs remedes qu'il pourroit guerir; ce bon Pere ne respirant que l'abandon leur [60] obeït veritablement à l'aueugle, là-dessus vne femme estant choisie pour faire cette cure, se leua de sa place & luy dit fors [de] la Cabane, mon Pere